

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2019

TICONDZISO TEKUMAKA

EMAMAKI: 100

Leticondziso tekumaka tinemakhasi la-13.

SIGABA A: INDZABA**UMBUTO 1: KUBHALWA KWENDZABA (340–390 emagama.) (50 emamaki.)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephatselene nesitfombe inikwe sihloko.

1.1 Sengatsi kungaphindze kwenteke loku.

LOKUBALULEKILE:

- Umhlolwa angahumusha sihloko ngalokusobala nobe ngalokufihlakele.
- Indzaba ingalandzisa ngeshlakalo lokungenteka sibe sihle.
- **Sehlakalo asibe simenetisile umhlolwa ngekutsi silungise simo nobe intfo letsite labefise kutsi ilunge.**
- Sehlakalo asibe simjabulise ngendlela yekutsi afise kutsi siphindze senteke.
- Indzaba kungenteka ilandzise/ivete limuva lembhali/ichaze. **[50]**

1.2 Lusuku lolwendvulela lwekuphuma kwemiphumela yamatekuletjeni.

LOKUBALULEKILE:

- Umhlolwa angahumusha sihloko ngalokusobala nobe ngalokufihlakele.
- Umhlolwa kulindzeleke kutsi abhale ngelusuku lolulandzelwa kuphuma kwemiphumela yamatekuletjeni.
- Lolusuku kungenteka kutsi lube ngulolumnandzi kumbe lolungasimnandzi.
- Indzaba kungenteka ichaze/ivete limuva lembhali/ilandzise/nhlangotsimbili. **[50]**

1.3 Kube mane ...

LOKUBALULEKILE:

- Umhlolwa angahumusha sihloko ngalokusobala nobe ngalokufihlakele.
- Umhlolwa kulindzeleke kutsi abhale ngesigameko lesamehlela/tifiso takhe/emaphupho lanawo, njll.
- Sifiso/Sigameko semhlolwa singaba sihle nobe sibe sibi, kepha kufanele simente ate aphimise lamagama latsi, 'Kube mane ...'
- Indzaba kungenteka ivete limuva lembhali/ilandzise/ichaze.

CAPHELA:

Sihloko singacedzelelwa nobe kukuphi endzabeni

[50]

1.4 INingizimu Afrika ngiyo kuphela levumela kuhlalisa bantfu labachamuka kulamanye emave.

LOKUBALULEKILE:

- Umhlolwa angahumusha sihloko ngalokusobala nobe ngalokufihlakele.
- Umhlolwa kulindzeleke kutsi avete luvo lwakhe ngaloko lokwentiwa yiNingizimu Afrika ngekuhlalisa bantfu labachamuka kulamanye emave.
- Umhlolwa angakushayela tandla lokwentiwa yi*Ningizimu Afrika*, lomunye angakugceka kantsi lomunye angakushayela tandla abuye akugceke. Bonkhe labahlolwa kufanele besekele luvo lwabo.
- Indzaba kungenteka ibe hlangotsilunye/nhlangotsimbili/ichaze/ilandzise. **[50]**

1.5 Kwetfulwa kwetinsita emmangweni wangakitsi.

LOKUBALULEKILE:

- Umhlolwa angahumusha sihloko ngalokusobala nobe ngalokufihlakele.
- Umhlolwa kulindzeleke kutsi avete umbono wakhe ngekwetfulwa kwetinsita emmangweni wangakubo, lokungaba sezingeni lelisetulu nobe leliphasi.
- Umhlolwa angashayela tandla indlela tinsita letetfulwa ngayo, lomunye angakugceka kantsi lomunye angakushayela tandla abuye akugceke. Bonkhe labahlolwa kufanele besekele luvo lwabo.
- Indzaba kungenteka ibe hlangotsilunye/nhlangotsimbili/ichaze. **[50]**

1.6 1.6.1– Tonkhe tindzaba letiphatselene netifombe tingatsatsa nobe
1.6.3 nguluphi luhlobo lwenzaba: indzaba lelandzisako, lechazako, lehlangotsilunye, lenhlangotsimbili, naleveta limuva lembhali.

LOKUBALULEKILE:

- Umhlolwa angahumusha sibonwa ngalokusobala nobe ngalokufihlakele.
- Umhlolwa kulindzeleke kutsi avete emaphuzu lavakalako lahambelana nesitfombe, angagudluki kuso. **[50]**

CAPHELA: Kwabiwa kwemamaki: (Bona irubhriki)

SAMBA SESIGABA A: 50

SIGABA B: EMATHEKSTHI EMIBHALOMBIKO**UMBUTO 2: IMIBHALOMBIKO (100–120 emagama itheksthi ngayinye.)
(50 emamaki.)****2.1 INCWADZI YEBUNGANI****LOKUCUKETFWE:**

Incwadzi ayihalalisele umntfwana wesihlobo semhlolwa ngekutfole umsebenti emuva kwesikhatsi lesidze aphotfule tifundvo takhe eNyuvesi kodvwa angawutfole umsebenti.

SAKHIWO:

- Inesingeniso, umtimba nesiphetfo.
- Likheli linye leliphelile lelingakafakwa timphawu lelisesandleni sekudla.
- **Nakusetjentiswe tifyeto, atifakwe timphawu.**
- Kweciwa umugca ngembikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako.)
- Kweciwa umugca ngembikwesingeniso.
- Singeniso lesetfula loko lokutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebungene.
- Kweciwa umugca ngembikwesiphetfo.
- Siphetfo lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako.)
- Sibongo asifakwa.

LOKUBALULEKILE:

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Linani lemagama lalindzelekile licikelelwe.

CAPHELA: Kwabiwa kwemamaki: (Bona irubhriki)

[25]

2.2 UMLANDVOMPHILO NENCWADZISICELO**INCWADZISICELO****LOKUCUKETFWE:**

Incwadzisicelo Ayivete ligama lalapho umhlolwa atfole khona lesikhangisi nelusuku lesishicilelwe ngalo. Ayivete umsebenti umhlolwa lafuna kuwenta.

SAKHIWO:

- Inesingeniso, umtimba nesiphetho.
- Emakheli aba mabili langakafakwa timphawu tekufundza. (Lalohlolwako liba sesandleni sekudla, lalobhalelwako liba sesandleni sesancele.)
- **Nakusetjentiswe tifyeyeto, atifakwe timphawu.**
- Likheli lesibili lifakwa sikhundla salobhalelwako.
- **Likheli lesibili libuye livete ligama lenkampani lebhalelwako.**
- Kweciwa umugca ngembikwesibingelelo.
- Sibingelelo lesihlelekile (Sib. Mnumzane/Nkhosatana, njll.)
- Kweciwa umugca ngembikwesihloko sencwadzi.
- Sihloko salokutawukhulunywa ngako (Sib. *Sicelo semsebenti wekuba ngumabhalane.*)
- Kweciwa umugca ngembikwesingeniso sencwadzi.
- Singeniso lesetfula loko lokutawucocwa ngako. (Sib. Kucelwa kwemsebenti wekuba ngumabhalane, njll.)
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo.
- Kubhalwa ligama nesibongo.

UMLANDVOMPHILO**SAKHIWO:**

Umhlolwa uphindze abhale umlandvomphilo lanikwe wona bese ucedzelela imininingwane leku:

- B-Temfundvo.
- C-Temsebenti.
- D-Tekucitsa situnge.
- Linani lemagama encwadzisicelo sahangene nemlandvomphilo a-120.

LOKUBALULEKILE

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.
- Linani lemagama lalindzelekile licikelelwe.

CAPHELA: Kwabiwa kwemamaki: (Bona irubhriki.)

[25]

2.3 I-ATHIKILI YELIPHEPHABHUKU**LOKUCUKETFWE:**

I-athikili iphatselene nekwecwayisa lusha ngebungoti betidzakamiva/kuveta teluleko letingasita lusha/kukhutsata ngetindlela letingasetjentiswa kuyekela tidzakamiva.

SAKHIWO:

- Inesingeniso, umtimba nesiphetho.
- Sihloko se-athikili (Sib. Kudla tidzakamiva ngalokwecile.)
- Lusuku lebhalwe ngalo.
- Ibhale ngubani.
- Ligama leliphaphandzaba leya kulo.
- Lokucuketfwe. (Kukhutsata lusha luphunyule kulolugibe lwekudla tidzakamiva.)
- Ibhale ngetindzima nobe ngemaphuzu/ngemakholomu.
- Ingasebentisa emafonti lehlukahlukene.
- Tincomo.

LOKUBALULEKILE:

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.
- Linani lemagama lalindzelekile licikelelwe.

CAPHELA: Kwabiwa kwemamaki: (Bona irubhriki.)

[25]

2.4 INKHULUMO LEHLELEKILE

LOKUCUKETFWE:

Inkhulumo iphatselene nekubonga bosomabhizinisi ngekunikela ngenkhundla yetemidlalo emmangweni.

SAKHIWO:

- Inesingeniso, umtimba nesiphetho.
- Sihloko senkhulumo. (Sib. Kunikelwa kwenkhundla yetemidlalo.)
- Kubingelela sihlalo netetsamelilwati.
- **Kutetfula.**
- Singeniso lesetfula loko lekutawukhulunywa ngako.
- Tindzima tenkhulumo letinemaphuzu labumbene.
- Siphetho senkhulumo lapho kusongwa khona onkhe emaphuzu labeketfulwa enkhulumeni.
- Kubonga sihlalo netetsamelilwati.

LOKUBALULEKILE:

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.
- Linani lemagama lalindzelekile licikelelwe.

CAPHELA: Kwabiwa kwemamaki: (Bona irubhriki.)

[25]

2.5 INCWADZI YEMTSETFO

LOKUCUKETFWE:

Incwadzi ayikhonondze ngetinkinga bafundzi bemmango labanato ngemabhasi labatfwalako akaSiyanakekela.

SAKHIWO:

- Inesingeniso, umtimba nesiphetho.
- Emakheli aba mabili langakafakwa timphawu tekufundza. (Lalohlolwako liba sesandleni sekudla, labobhalelwako liba sesandleni sesancele.)
- **Nakusetjentiswe tifyeto, atifakwe timphawu.**
- Likheli lesibili lifakwa sikhundla salobhalelwako.
- **Likheli lesibili libuye livete ligama lenkampani lebhalelwako.**
- Kweciwa umugca embikwesibingelelo.
- Sibingelelo sencwadzi. (Sib. Mnumzane/Nkhosatana, njll.)
- Kweciwa umugca.
- Sihloko sendzaba lekutawukhulunywa ngayo.
- Singeniso lesetfula loko lokutawucocwa ngako ngelulwimi loluhlelekile.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokutifobako lokuhambelana nesibingelelo.
- Sibongo siyafakwa.

LOKUBALULEKILE:

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Linani lemagama lalindzelekile licikelelwe.

CAPHELA: Kwabiwa kwemamaki: (Bona irubhriki)**[25]**

2.6

UMBIKO LOHLELEKILE**LOKUCUKETFWE:**

Umbiko uphatselene nekukhetfwa kwalowo lotawukhangisa umkhicito wesitolo lesikhulu sasesigodzini semhlolwa.

SAKHIWO:

- Unesingeniso, umtimba nesiphetho.
- Sihloko. (Sib. Umbiko lophatselene nekukhetfwa kwalowo lotawukhangisa umkhicito wesitolo lesikhulu.)
- Lusuku lobhalwe ngalo.
- Ubhalwe ngubani? (Umdlali lodvumile)
- Uya kubani? (Kumcecheshi webadlali belibhola.)
- Lokucuketfwe: (Lokwenteke nakukhetfwa lowo lotawukhangisa ngemkhicito wesitolo lesikhulu sasesigodzini semhlolwa.)
- Ibhalwa ngetindzima nobe ngemaphuzu.
- Tincomo.

LOKUBALULEKILE:

- Kusetjentiswa irejista lefanele.
- Kucikelela kusetjentiswa kwelulwimi ngalokujulile.
- Linani lemagama lalindzelekile licikelelwe.

CAPHELA: Kwabiwa kwemamaki: (Bona irubhriki)**[25]**

SAMBA SESIGABA B: 50
SAMBA SAKO KONKHE: 100

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniwe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusacatfuta naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniwe ngekwelizinga lelisetulu ngalokubabatekako nelizinga lelisetulu ngalokungababateki, ngekweluhluka kwemamaki netinchazelo temakhono.
- Sakhiwo sona asitsintseki ngalokwehlukaniwa kwelizinga lelisetulu ngalokubabatekako nelinelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHLOLA (Imphendvulo nemibono) Kuhleleka kwemibono nakulungiselelwa kubhala Kucikelelwa kwenhloso, tetsamelilwati nesimongcondvo 30 EMAMAKI	Lizinga lelisetulu ngalokubabatekako	28–30 -Imphendvulo lengemalengiso lababateka ngetulu kwalokulindzelekile -Imibono ivutsiwe, inekuhlakanipha, lokukhombisa kucabanga lokujulile -Kuhleleka kungemalengiso lababatekako, kubumbene nesingeniso, umtimba kanye nesiphetho	22–24 -Imphendvulo lesecophelweni lelisetulu ngalokubabatekako -Imibono ivutsiwe, iyaheha ihambisana nesihloko ngalokuphelele -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho	16–18 -Imphendvulo leyenetisako -Imibono ibumbene futsi ikholweka ngalokwenetisako -Kuhleleka kubumbene nesingeniso, umtimba nesiphetho ngalokwenetisako	10–12 -Imphendvulo lengakabumbani -Imibono ayikacaci kantsi futsi akusiyo yekuticambela -Buncane bufakazi bekuhleleka nekubumbana	4–6 -Yonkhe imphendvulo iyanhlanhlatsa -Imibono ihlangahlangene futsi iyadidana, ayikacondzi ngco -Kunekuphindzaphindza lokungevakali -Akukho kuhleleka nekubumbana
		Lizinga lelisetulu ngalokungababateki	25–27 -Imphendvulo lengemalengiso kodvwa ingenato timphawu tekubabateka -Imibono ivutsiwe futsi ihlakaniphile -Kuhleleka lokungemalengiso, kubumbene nesingeniso, umtimba nesiphetho	19–21 -Imphendvulo lesecophelweni lelisetulu -Imibono iyaheha, ihambisana nesihloko -Kuhleleka lokusecophelweni lelisetulu lokubumbene nesingeniso, umtimba nesiphetho	13–15 -Imphendvulo leyenetisako kodvwa kukhona lokungevakali kahle -Imibono ibumbene, iyakholweka -Kukhona kuhleleka lokutsite kanye nekubumbana nesingeniso, umtimba nesiphetho	7–9 -Imphendvulo legcwele kunhlanhlatsa -Imibono ayihlangani, iyadidana -Abukho bufakazi bekuhleleka nekubumbana

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhloso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelingi (lupelomagama) 15 EMAMAKI	Lizinga lelisetulu ngalokubabatekako	14–15 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngemalengiso lababatekako -Lulwimi lolunekutetsemba, lolugculisako nalolunemba ngemalengiso lababatekako -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo -Esikhatsini lesinyenti kakhulu emaphutsa eluhlelo nesipelingi kute -Kunekuticambela lokungemalengiso lasetulu kakhulu	11–12 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu -Lulwimi lusecophelweni lelisetulu kantsi nemoya uyemukeleka -Emaphutsa eluhlelo nesipelingi akasimanyenti -Kuticambela lokusecophelweni lelisetulu	8–9 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Lulwimi lusetjentiswe ngalokwenetisako kwetfula lokushiwo embhalweni -Umoya uyenetisa -Emasu ebugagu belulwimi asetjentisiwe kunotsisa lokucuketfwe	5–6 -Umoya, irejista, sitayela nesilulumagama akuhambelani nenhloso, tetsamelilwati nesimongcondvo -Kusetjentiswa kwelulwimi kusacatfuta -Umoya nekukhetseka kwemagama akwemukeleki -Silulumagama sincane kakhulu	0–3 -Lulwimi aluvakali -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo -Silulumagama sincane ngendlela yekutsi lokubhaliwe akungalandzeleki
		Lizinga lelisetulu ngalokungababateki	13 -Lulwimi lusetjentiswe ngemalengiso nangalokuveta umoya lokhutsatako ngemphumelelo -Esikhatsini lesinyenti emaphutsa eluhlelo nesipelingi awekho -Kuticambela kungemalengiso	10 -Lulwimi lusetjentiswe ngemphumelelo lesecopheweni lelisetulu -Umoya uyemukeleka futsi uneligalelo lelemukelekile -Emaphutsa eluhlelo nesipelingi ambalwa -Icambeke kahle	7 -Lulwimi lusetjentiswe ngalokwenetisako kodvwa ngalokungafani embhalweni wonkhe -Imvamisa umoya wemukelekile, emasu ebugagu belulwimi asetjentiswe kancane	4 -Lulwimi lusetjentiswe ngalokungenetisi -Kusetjentiswa kwetinhlobo letehlukene temisho kuncane/kute -Silulumagama sincane kakhulu

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)



Timpawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO	5	4	3	2	0–1
Timphawu tetheksthi Kutfufukiswa kwetindzima nekwakhiwa kwemisho	-Sihloko sitfufukiswe ngemalengiso -Imininingwane yetfulwe ngemalengiso -Imisho, netindzima kwakheke ngemalengiso lababatekako	-Imininingwane itfufukiswe ngalokuhlelekile -Kunekumbana -Imisho, netindzima kuhlelekile futsi kutinhlobonhlobo	-Imininingwane ihambisana nesihloko -Imisho netindzima kwakheke kahle Indzaba iyevakala	-Lamanye emaphuzu emukelekile -Imisho netindzima kunemaphutsa -Indzaba iyevakala noko	-Emaphuzu ladzingele asilele -Imisho netindzima kunemaphutsa -Indzaba ayinamcondvo
5 EMAMAKI					
KWEHLUKA KWEEMAMAKI	43–50	33–40	23–30	13–20	0–10

IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA [25 EMAMAKI]

Timpawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO	13–15	10–12	7–9	4–6	0–3
Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timpawu/timiso, nesimongcondvo 15 EMAMAKI	-Imphendvulo lengemalengiso lababatekako -Imibono ivutsiwe, inekuhlakanipha, lokukhombisa kucabanga lokujulile -Lwati lolungemalengiso lwetimpawu teluhlobo lwetheksthi lebhawako -Umbhalo ucondze ngco -Lokucuketfwe kunemibono lebumbene ngemalengiso -Yonkhe imininingwane icaciswe ngemalengiso kantsi futsi yesekela sihloko -Sakhiwo lesifanele lesingemalengiso nalesingenamaphutsa	-Imphendvulo lesecephelweni lelisetulu lekhombisa -Lwati lolusecephelweni lelisetulu lweluhlobo lwetheksthi lebhawako -Umbhalo ucondze ngco – awutsemeleti -Lokucuketfwe kunemibono lebumbene ngelicophelo lelisetulu -Imininingwane yetfulwe ngelicophelo lelisetulu kantsi yonkhe yesekela sihloko -Sakhiwo lesemukelekako lesinemaphutsa langasho lutfo	-Imphendvulo leyenetisako, lekhombisa lwati lweluhlobo lwetheksthi lebhawako -Umbhalo awukacondzi ngco ngalokuphelele, unekutsemeleta lokutsite -Emaphuzu alokucuketfwe abumbene ngalokwenetisako -Leminye imininingwane iyasesekela sihloko -Sakhiwo siyenetisa kodvwa sinemaphutsa latsite	-Imphendvulo lecatfutako lekhombisa lwati loluncane lweluhlobo lwetheksthi lebhawako -Umbhalo unekutsemeleta lokunyenti -Kubumbana kwemaphuzu alokucuketfwe kuncane kakhulu -Imbalwa imininingwane leyesekela sihloko -Imitsetfo netimiso letibalulekile tesakhiwo setheksthi atikalanzelwa ngalokufanele -Kunyenti lokubalulekile lokusilele	-Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako -Inshokutsi iyanhlanhlatsa, igcwele kutsemeleta lokunyenti -Emaphuzu alokucuketfwe akakabumbani nakancane -Imbalwa kakhulu imininingwane leyesekela sihloko -Imitsetfo netimiso tesakhiwo setheksthi letibalulekile atikalanzelwa nakancane
LULWIMI, SITAYELA NEKUHLUNGWA KWEMAPHUTSA	9–10	7–8	5–6	3–4	0–2
Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timpawu tekufundza nekubhala nesipelingi 10 EMAMAKI	-Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo -Luhlelo alunamaphutsa kantsi futsi icambeke kahle -Esikhatsini lesinyenti akunamaphutsa	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu -Silulumagama sisecophelweni lelisetulu -Emaphutsa ambalwa kakhulu	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Kunemaphutsa latsite eluhlelo -Silulumagama lesenetisako -Emaphutsa akayiphazamisi inshokutsi	-Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo -Kunemaphutsa lamanyenti eluhlelo -Silulumagama sincane kakhulu -Inshokutsi iyaphazamiseka	-Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo -Kugcwele emaphutsa lamanyenti ladidanako -Silulumagama asihambisani nakancane nenhloso -Inshokutsi ihlangahlangene kakhulu
KWEHLUKA KWEMAMAKI	22–25	17–20	12–15	7–10	0–5

TIMPHAWU LETISETJENTISWA NAKUMAKWA LULWIMI

2019

1.	Sipelingi	sp
2.	Timphawu tekufundza	p
3.	Bofeleba	uc
4.	Tinhlavu letincane	lc
5.	Kuphindzaphindza	pp
6.	Lulwimi	lw
7.	Sivumelwano	siv
8.	Luhlelomusho	lm
9.	Sikhatsi	skh
10.	Kuhlanganisa	
11.	Kwehlukana	/
12.	Lokushiye	^
13.	Kuhlanganisa imicondvo yenzima	
14.	Kwehlukana tindzima	